

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

105
(90)

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/03-38-8345-86/19
Sarajevo, 9.4.2019.godine

SKUPŠTINA KANTONA SARAJEVO
PREDSJEDAVAJUĆI SKUPŠTINE KANTONA SARAJEVO
Elmedin Konaković

- OVDJE -

PREDMET: *Odgovor, dostavlja se*

Cijenjeni,

uvaženi zastupnik Aljoša Čampara na Šestoj radnoj sjednici Skupštine Kantona Sarajevo, održanoj dana 26.03.2019. godine pokrenuo je zastupničku inicijativu Ministarstvu za obrazovanje, nauku i mlade Kantona Sarajevo, a koja se odnosi na donošenje propisa o zabrani upisa djece u vrtiće i škole koja nisu vakcinisana.

Ovim putem Vas obavještavamo da Ministarstvo podržava inicijativu za sistemsko uređenje navedene oblasti.

Koristimo se prilikom da napomenemo da je pitanje upisa učenika u preškolske ustanove i osnovne škole osim propisa na kantonalnom nivou uređeno i državnim propisima i to: Okvirnim zakonom o predškolskom odgoju i obrazovanju u Bosni i Hercegovini („Službeni glasnik Bosne i Hercegovine“, broj:88/07) i Okvirnim zakonom o osnovnom i srednjem obrazovanju u Bosni i Hercegovini („Službeni glasnik Bosne i Hercegovine“, broj: 18/03) uz obvezu nižih nivoa obrazovnih vlasti da svoje propise usklade s odredbama navedenih zakona.

Jedno od ključnih načela navedenih zakona je pravo djeteta na obrazovanje zagarantovano Ustavom i međunarodnim dokumentima iz oblasti ljudskih prava koje je Bosna i Hercegovina



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



potpisala i i retifikovala. U tom smislu zakonodavac se obavezao da će osigurati obrazovanje bez diskriminacije po bilo kom osnovu.

Član 8. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, broj: 26/08) glasi:

„Član 8.

(Obezbjediavanje najboljeg interesa djeteta)

- (1) Pravo djeteta na odgoj i obrazovanje i pravilnu brigu za dobrobit njegovog fizičkog i mentalnog zdravlja i bezbjednosti ima prednost nad svim drugim pravima.
- (2) U slučaju sukoba prava, prednost se daje onom pravu, tumačenju ili djelovanju koje će najviše koristiti interesu djeteta.“

Član 18. Zakona o predškolskom odgoju i obrazovanju u Kantonu Sarajevo glasi:

„Član 18.

(Prijem djece)

- (1) Prijem djece u predškolsku ustanovu, osim djece koja imaju obavezu iz člana 17. ovog Zakona, vrši se tokom cijele godine, u skladu sa ovim Zakonom, provedbenim aktima koji regulišu djelatnost predškolskog odgoja i obrazovanja.
- (2) Predškolske ustanove, u pogledu ostvarivanja uvjeta i sprovođenja procedura bez diskriminacije, osiguravaju jednake mogućnosti za prijem sve djece.
- (3) Prije polaska u predškolsku ustanovu **djeca moraju imati ljekarsko uvjerenje o zdravstvenom stanju.**“

Član 57. Zakona o osnovnom odgoju i obrazovanju u Kantonu Sarajevo („Službene novine Kantona Sarajevo“, broj: 23/17 i 33/17) glasi:

„Član 57.

(Upis učenika)

- (1) Upis u redovnu školu obavlja se u aprilu i u izuzetnim opravdanim slučajevima u augustu na osnovu spiskova školskih obveznika koje školama dostavlja nadležni organ općine na čijoj teritoriji se škola nalazi, najkasnije do početka upisnog roka.
- (2) Roditelj kod prijavljivanja djeteta za upis u školu dostavlja: izvod iz matične knjige rođenih, **ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća** i uvjerenje/certifikat o pohađanju obaveznog predškolskog programa za djecu u godini pred polazak u školu.“

U tom smislu želimo skrenuti pažnju da je obaveza nadležnih institucija iz oblasti zdravstva da štite i unapređuje zdravlje i sigurnost stanovništva, te u tom smislu smatramo da navedene institucije kroz normativni okvir iz oblasti zdravstva to pitanje trebaju sistemski urediti.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Naime, ljekarski pregled koji rezultira izdavanjem ljekarskog uvjerenja o psihofizičkom stanju djeteta za upis u odgojno-obrazovnu ustanovu i zdravstvenom statusu s opisom poteškoća se sastoji od nekoliko vrsta pregleda.

Jedan od važnih podataka kod provođenja pregleda je i vakcinalni status djeteta, odnosno da li je dijete do upisa u školu isprimalo sve vakcine, te ukoliko kasni sa nekom od njih može biti vakcinisano i na sam dan pregleda.

U tom smislu smatramo da navedenu inicijativu treba realizirati Mnistarstvo zdravstva Kantona Sarajevo u saradnji sa nadležnim institucijama iz oblasti zdravstva uz napomenu da je Ministarstvo za obrazovanje, nauku i mlade spremno aktivno sudjelovati i dati svoj doprinos s ciljem sistemskog uređenja navedenog pitanja.

S poštovanjem,



Dostaviti:

1. Naslovu;
2. a/a



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

